



Broj: **01/2a-50-3-2-42/13**

Sarajevo: 28.10. 2013.

Predmet: Zabilješka sa sastanka predsjedavajućeg Komisije za vanjske poslove Mirze Kušljugića s ambasadorom Švicarske u Bosni i Hercegovini Andréom Schallerom

U srijedu, 23. 10. 2013., održan je sastanak predsjedavajućeg Komisije za vanjske poslove Mirze Kušljugića s ambasadorom Švicarske u BiH Andréom Schallerom. Sastanku su prisustvovali Claudia Buess, zamjenica ambasadora, i Haris Lokvančić, savjetnik.

Mirza Kušljugić upoznao je ambasadora Schallera s razgovorima koje je imao na nedavno okončanom jesenjem zasjedanju Parlamentarne skupštine OSCE-a održanom u Budvi, u Crnoj Gori, a na kojem je glavna tema razgovora bila predsjedavanje Švicarske i Srbije OSCE-om 2014. i 2015. godine. Kazao je da je delegacija BiH imala sastanak s delegacijama Crne Gore, Hrvatske i Srbije, te da je ideja bh.delegacije bila da se koordiniraju aktivnosti i da se fokusiraju na iskustva OSCE-a kao regije koja je manje-više uspješno prošla kroz teške periode. Kušljugić je spomenuo da je dobio informaciju da će prekogranična saradnja biti jedna od važnih aktivnosti OSCE-a u toku švicarskog predsjedavanja OSCE-om. Naglasio je da je ideja bila da se, u predstojećem zajedničkom predsjedavanju Švicarske i Srbije OSCE-om, pomogne pri fokusiranju na potencijalno sigurnosna pitanja u regiji bivše Jugoslavije. Nazvao je to horizontalno-vertikalnom koordinacijom, gdje je vertikalna koordinacija ono što bi se radilo u u Sarajevu, a horizontalna koordinacija ono što bi radio OSCE zajedno sa svojim radnim tijelima u regiji. Kazao je da je namjera da se pokušaju pronaći načini saradnje i razmijene manje-više uspješna iskustva koja imamo, te da se identificira na šta bi bilo dobro da se OSCE fokusira.

André Schaller, ambasador Švicarske u BiH, zahvalio se Kušljugiću na informacijama, posebno o horizontalno-vertikalnoj koordinaciji i kazao da je vrlo važno i pozitivno razmjenjivati mišljenja. Ambasador Schaller je predsjedavajućem Kušljugiću predstavio švicarsku Strategiju saradnje sa BiH za period 2013. – 2016. Također, ukazao je na osnovne prioritete predstojećeg predsjedavanja Švicarske i Srbije OSCE-om 2014. i 2015. godine, za šta su pripreme već u toku i koji su već koordinirani sa Srbijom. Ti prioriteti su stabilnost i sigurnost, poboljšanje života građana i jačanje kapaciteta za reagiranje OSCE-a. Što se tiče BiH, najvažniji je prvi prioritet, tj. stabilnost i sigurnost, dodao je ambasador Schaller. On je kazao da će Švicarska imati specijalnog predstavnika za zapadni Balkan, čiji mandat još nije u potpunosti potvrđen. Jedan od njegovih glavnih prioriteta bit će regionalna saradnja. Naglasio je da će švicarska strana finansijski podržati Ministarstvo odbrane BiH u vezi s uništavanjem zaostalog naoružanja, municije i mina. Izrazio je spremnost švicarske strane da pomogne i asistira Parlamentarnoj skupštini BiH, ako ima neka regionalna inicijativa, kao i da pomogne male projekte kroz saradnju s Vanjskopolitičkom inicijativom BiH.

Kazao je da Vanjskopolitička inicijativa BiH već ima nacрте određenih projekata i da se sada očekuje konkretan datum kada će ključni govornici iz Švicarske moći doći u BiH da bi se organizirao zajednički sastanak.

Mirza Kušljugić upoznao je ambasadora s planiranim aktivnostima Komisije za vanjske poslove Predstavničkog doma kao i Doma naroda PSBiH, i to 26. 11. 2013., kada je planirano

održavanje tematske sjednice o obavezama Bosne i Hercegovine u preuzimanju pravne tečevine Evropske unije u sektoru energetike prema Sporazumu o energetske zajednici. Obostrano je izražena spremnost da komunikacija o svim navedenim temama ostane otvorena, kao i očekivanje da će uspješna saradnja biti nastavljena.

SEKRETAR
KOMISIJE ZA VANJSKE POSLOVE

Merdžana Iglica

Dostavljeno:

- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- a/a